

賓頭盧說法緣經
請賓頭盧經
大勇菩薩分別業報經

四百廿七
畫五

51068



三經同卷五

盡

賓頭盧突羅闍為優陀延王說法緣經


請賓頭盧經

大勇菩薩分別業報略經

賓頭盧突羅闍為優陀延王說法緣經

宋天竺三藏求那跋陀羅譯

欲樂味甚少憂苦患甚多是以智者應修方便速離眾欲勤行淨行我昔曾聞千福王子



名優陀延紹父王位住拘舍弥城其城殊妙

寬博嚴淨晃爛宮觀映飾綺麗牕牖通疎交

絡珠網樓觀千万莊校此城街巷相當阡陌

齊整市肆充盈多諸珍寶其城周币有好林

苑樹木翠蔚華果茂盛泉流清潔生衆蓮華
青黃赤白文色相映鴻鴈鴛鴦孔雀鸚鵡迦
陵頻伽命命之鳥其聲相和猶如樂音莊嚴
之盛如寄羅婆山王崇巖峻岳而自莊嚴又
像帝釋所居喜見之城優陀延王形貌端正
威相具足聰明黠慧武勇絕倫才伎兼修靡
所不知善能呪象令諸山象咸來赴集又能
控御皆令調順又善彈琴和雅中節宮商相
應鳥獸率舞合衆香九用降怨敵香氣所及
盡來歸順善能刻畫曲得相貌其所圖像真
形無異六十二藝悉皆備具衣服飲食不尚
豐奢矜窮敬老存恤民庶正法治國日多忘

倦禮儀法律一依古典如昔哲王什奢之等
國富民殷庫藏盈溢福德之人集生其國受
王風化咸皆修善博通經學明解諸論世間
典籍無不綜練勇健雄武如羅摩延阿純之
等由王先身辟支佛所種諸善根獲報如是
王之威德隣國畏伏道化光被聲聞天下時
輔相子名賓頭盧突羅闍姿容豐美世所希
有聰明智慧博聞廣識仁慈汎愛志存濟苦
勸化國民盡修十善信樂三寶出家學道得
具足果遊行教化還拘舍弥城欲度親黨徧
行乞食乞食已訖於林樹下結加趺坐思惟
入定時有一人識賓頭盧來白王言昔輔相

子賓頭盧者。今近在林中樹下。王聞歡喜。心懷敬仰。便勅嚴駕。將諸宮人眷屬。僕從詣尊者所。問訊既竟。命王就坐。王即思惟。所有疑事。今當問之。而作是言。賓頭盧。今我與尔少小。知舊。汝之祖先。世為輔相。聰明智達。常為國師。今既相造。欲問疑事。非相惱觸。為我說。不尊者。答言。恣今所問。我當為王分別。解說。王以偈問曰。

一切世人

貪著五欲

縱情放逸

以自娛樂

如汝今者

獨處空閑

捨離恩愛

有何榮樂

尊者答言。我觀因緣。皆悉無常。是故出家。以

割情愛樂。於林藪。猶如野鹿。專心勤修。永斷

煩惱以智慧斧破愛樹枝心無戀著毒果消
滅諸結駛流生死暴河我已得渡更無憂患
譬如飛鳥得免羅網凌虛遠逝名曰解脫王
聞斯語語賓頭盧今我勢力能伏諸國威德
暉赫有如盛日首戴天冠瓔珞盛服采女侍
衛如天帝釋汝今獨處頗羨我不尊者荅言
我無羨心王復問言何故於我而不願羨尊
者荅言我於今日欲泥已乾諸有結縛今已
解脫乃至天帝釋諸妙天女不生羨尚況汝人
間鄙穢者乎誰有智者得離魔縛渡生死岸
得淨慧眼壞無明闇而羨王耶何有明眼羨
於盲者何有強健而羨病患何有無罪而羨

獄囚何有巨富羨於貧窮何有高貴而羨奴
僕何有智者羨於愚癡何有勇健羨於懦弱
王聞是已心懷懊惱而作是言汝作方喻一
何苦劇我寧困劣乃如是乎尊者荅言王無
慧眼煩惱所病四取駛流之所漂沒失於勇
健不能精勤如斯嬰愚不識真諦沉淪苦海
是王之分於五欲中生希有想如此之想實
違淨行王復問言有何等過而言違失尊者
荅言此五欲者衆苦之本害於衆生所有善
根如雹害苗螫惱衆生甚於毒蛇亦如熾火
能燒功德亦如野馬誑惑凡夫亦如幻化迷
亂惑者欲詐親善過於怨家欲如老牛沒溺

污泥欲如大網纏裹三界欲如劍道難可履
蹈欲能繫閉殺害衆生一切過患皆從欲起
如往古時有婆須天由欲因緣爲婆利阿修
羅之所繫縛擲沸湯中婆勒天壞阿修羅城
郭殒滅其民惱觸苦婆羅王種八純提王及
彼百子悉皆誅滅鼻多羅阿修羅害於千眼
羅摩害十頃羅刹及數千億羅刹之衆羅漫
害因陀羅具翼叉王摩羅支王滅多摩羅質
種族迦帝毗爲閻摩尼婆羅門所殺毗那悉
那害提頭賴吒眷屬班紬五子殺十八億人
弼匿安毒多羅蹭伽王種俱羅王種弥締羅
檀特伽王種是等人王皆爲欲故更相殘滅

即說偈言

王位雖尊嚴

代謝不暫停

輕疾如電光

須臾歸磨滅

王位極富逸

愚者情愛樂

衰滅死時至

苦劇過下賤

王者居高位

名聞滿四方

端正甚可愛

種種自嚴身

譬如臨死者

著華鬘瓔珞

餘命未幾將

王位亦如是

王者譬如鳥

常懷諸恐怖

行住及坐卧

乃至一切時

於其親疎中

恒有疑懼心

臣民宮妃后

象馬及珍寶

國土諸所有

一切是王物

諸王捨命時

皆棄無隨者

人王及天王

阿修羅王等

威力逼人民

斧鉞相殘害

不識無常苦

橫增貪疾惱 譬如妙華林 金蛇睡在中
愚人謂珍寶 盛衰賈歸家 蛇覺縱毒火
焚燒其屋宅 王位如華林 災患如金蛇
愚人以為貴 智者所不樂 譬如以搏肉
置四衢道頭 狐狼鷓鴣等 竟來爭食之
王位亦如是 眾共爭取之 鳥獸以紫爪
爪鬪共鬪諍 王者以刀矛 相害爭榮位
亦如彼鳥獸 愚癡等無異 我寧食灰土
果菜以自存 此身如癰瘡 會歸當潰爛
云何為此故 造作眾惡業 如食菴婆果
香味悉具足 及其果消時 身體盡爛壞
王位如彼果 失滅生苦惱 譬如方土

災疾疔疾病

有智言勝人

宜應速遠離

若不遠離者

如逆風執炬

不捨必自燒

如渴飲鹹水

無有飽足時

如十頭羅刹

城郭及眷屬

為欲因緣故

滅壞無遺餘

又如寄越王

兄弟有百人

為欲因緣故

亦皆盡敗滅

日種繫趙王

及提頭賴吒

如是諸王等

盡為欲所滅

當知國土猶如羅網亦如羅罽如深淤泥亦

如洄波又如海浪如林被燒亦如危岸猶如

地獄誰有智者當樂貪著如是大苦誰有智

者當生樂想如是大王嗚呼恠哉被欺乃尔

被誑乃尔猶如空拳誑於小兒速疾不停猶

如幻化五欲欺誑亦復如是猶如猿猴在嵩
山頂見雲弥布以爲堅實謂爲是地便以身
投墮百丈巖喪其身命一切碎滅亦如野干
見甄叔迦樹其果似肉見落地時便往欲食
知其非肉更復生念今此非肉彼樹上者必
當是肉遂便守之爲其所困五欲誑王亦復
如是亦如商賈以僞珠誑人五欲誑王亦復
如是又如嬰愚嗜味食歡喜九人以泥團而
來誑之謂爲真實走遂疲苦乃得泥團如熱
時焰誑渴愚夫猶如衆人前豎於幻檄能使
時衆見種種事若拔幻檄色像即滅猶如畫
匠及機關師如狗吠井自見形影怒眼豎毛

謂井底影欲共已闔橫生瞋忿投井而死大
王宜善觀察何有五欲而得常者何有王位
而得久停尊豪威勢無得住者何有國界而
不遷壞何有珍寶而不散失何有欲樂常恒
不變苦之封授必受衰滅何有合會而不別
離一切五欲體性實苦皆從妄想而生於樂
何有諸行不似芭蕉乾闥婆城大玉云何處
生老病死衰禍恐怖逼迫之中云何能爲國
土少樂生愛樂想如林中鹿四邊火起如鳥
在籠如魚處網如龜吞鈎如師子毒箭入心
如龍處呪場如人在屋中四邊火起如處危
朽華堂速疾崩墜如好華池有水羅刹噉食

於人重說偈言

生老病死患

於中未解脫

無明愛毒箭

猶未得拔出

人帝汝云何

而生樂著想

如象處林中

四邊大火起

處此急難處

云何有歡樂

大王應當知

榮位須臾間

智者深觀察

不應於此事

而生希有想

汝何故錯解

實是愛奴僕

而生高貴想

捨上妙財寶

而生大富想

不善解方便

橫生智慧想

為眾煩惱患

橫生無病想

未脫生死胎

橫生無畏想

處十二刺林

橫生無刺想

欲賊劫諸根

橫生無賊想

大王而此身者必歸敗壞尊豪榮貴必有衰

滅財寶庫藏必有散失大王如佛言曰榮位
如寢恩愛暫有汝於五欲生於希有難遭之
想賢德於此豈得名為能善觀察何以故榮
位恩愛必有別離如衆飛鳥夜栖一樹晨則
四散又如客舍夕則聚賓明各異路亦如乘
船異人同載既至岸已各自殊道亦如駛流
漂集衆木須臾之間隨流分散猶如浮雲須
臾散滅作音樂處男女聚集作樂已訖各自
散去宮人嫫女端正美妙無常理會會歸捨
棄譬如華樹蜂集其上華彫落盡諸蜂遠離
如華池枯涸孛象不入如大池水鶴樂遊居
及其乾竭更不復近福盡之家榮利不近如

密雲聚集電光暫現如風吹雲電光不現彼
不捨汝汝必捨之如似夏盡孔雀毛羽悉皆
自落如寒既至鴻鶴遠池如阿輸伽樹華葉
盛時人所愛樂及其枯悴無有華葉人不須
視猶如華幢貴者愛敬華萎縷絕而便棄之
即說偈言

無常不堅固

如芭蕉水沫

亦如浮雲散

天王尊勝位

危脆亦如是

人帝應當知

貪利極速駛

如水注深谷

嗜欲極輕疾

動轉如掉索

愚癡深為谷

不覺致墮落

尊者言大王我今為王略說譬喻諸有生死

著味過患王至心聽昔日有人行在曠路遙

大惡象爲象所逐狂懼走突無所依怙見
丘井即尋樹根入井中藏有白黑鼠牙齧樹
根此井四邊有四毒蛇欲螫其人而此井下
有大毒龍傍畏四蛇下畏毒龍所攀之樹其
根動搖樹上有蜜三滴墮其口中于時動樹
椽壞蜂窠衆蜂散飛咬螫其人有野火起復
來燒樹大王當知彼人苦惱不可稱計王愁
憂厭惡而言彼人得味甚少苦患甚多其所
味者如牛跡水其所苦患猶如大海味如芥
子苦如須彌味如熒火苦如日月如藕根孔
比於太虛亦如蚊子比金翅鳥其味苦惱多
少如是尊者言大王曠野者喻於生死彼男

子者喻於凡夫象喻無常丘井喻於人身樹
根喻人命白黑鼠者喻晝夜齧樹根者喻念
念滅四毒蛇喻四大蜜者喻五欲縷蜂喻惡
覺觀野火燒者喻老下毒龍者喻死是故當
知欲味甚少苦患甚多生老病死於一切人
皆得自在世間之人心勞苦無歸依處衆
苦所逼輕疾如電是可憂愁不應愛著大王
今我語王言雖麤惡實是利益王聞是語衣
毛以豎悲喜交集涕泣流淚即起合掌五體
投地白尊者言我之嬰愚無可智慧我之下
賤作斯狂言如是狂言聽我懺悔尊者言我
於今者以忍出家無不忍受我心清淨猶如

秋月淨無雲翳王今懺悔願使大玉猶如天
帝得見道跡王大歡喜與諸眷屬作禮還宮

寶頭盧經一卷

請賓頭盧經

宋三藏惠簡譯

天竺國有優婆塞國王長者若設一切會常
請賓頭盧頗羅墮誓阿羅漢賓頭盧者字也
頗羅墮誓者姓也其人爲樹提長者現神足
故佛擯之不聽涅槃勅令爲末法四部衆作
福田請時於靜處燒香禮拜向天竺摩犁山

至心稱名言大德賓頭盧頗羅墮誓受佛教
勅為末法人作福田願受我請於此處食若
新作屋舍亦應請之言願受我請於此舍牀
敷上宿若普請衆僧澡浴時應請之言願受
我請於此洗浴及未明前具香湯淨水澡豆
楊枝香油調適冷煖如人浴法開戶請入然
後閉戶如人浴訖頃衆僧乃入凡會食澡浴
要須一切請僧至心求解脫不疑不昧信人
清淨然後可屈近世有長者聞說賓頭盧阿
羅漢受佛教勅為末法作福田即如法施設
大會至心請賓頭盧毘能下徧布華欲以驗
之大衆食訖發毘能華皆萎懊惱自責不知

過所從來更復精竭審問法師重設大會如
前華亦復萎復更傾竭盡家財產復作大會
猶亦如前懊惱自責更請百餘法師求請所
失懺謝罪過始向上座一人年老四布悔其
愆咎上座告之以我年老衣服弊壞謂是被
擯灑涕沙門不肯見前我以汝請欲強入汝
奴以杖打我頭破額右角瘡是第二會亦來
復不見前我又欲強入復打我頭額中瘡是
第三會亦來如前被打額左角瘡是皆汝自
爲之何懊惋言已不現長者乃知是賓頭盧
自亦已來諸人請福皆不須復遮門若得賓
頭盧其座華即不萎若新立房舍牀榻欲請

賓頭盧時皆當香湯灑地燃香油燈新牀新
褥奮綿敷之以白練覆綿上初夜如法請之
閉房慎勿輕慢闕看皆各至心信其必來精
誠感徹無不至也來則褥上現有卧處浴室
亦現用湯水處受大會請時或在上座或在
中座或在下座現作隨處僧形人求其異終
不可得去後見座華不萎乃知之也

請賓頭盧經

大勇菩薩分別業報略經

宋天竺三藏僧伽跋摩譯

最勝無上尊

知見悉具足

是故稽首禮

及法應真僧

我今撰安住

知見具足說

五趣所緣起

由淨不淨業

普為諸世間

開示契經義

隨智力所及

分別業果報

佛以法自覺

諸天咸勸請

即至波羅柰

演暢真諦義

謂苦及苦因

苦集究竟滅

八正悉具足

盡苦清淨道

無上人中尊

說苦業果報

從是轉相生

煩惱及諸業

種種相煩惱

無量諸業行

次第略分別

隨順大仙說

契經所顯示

不違諸法相

真實決定義

慧者當受持

非自在所作

果報非無因

亦非自性起

亦不從時生

自在天無因

自性及與時

以果有勝劣

當知彼非因

無知生煩惱

從是起諸業

因業開衆趣

今當說差別

造諸不善業

隨業入惡道

彼諸罪衆生

閻王慈哀說

生老病死苦

王法所拘執

汝見彼天使

何不生勝覺

惠施清淨戒

能調身口意

汝爲何所求

而不發上願

不幸遇惡友

唯聞非法事

增我貪恚癡

何由起淨業

汝曾不修善

但作諸惡行

不覺罪報至

今來入地獄

亦時諸獄卒

即執罪衆生

駢向地獄門

恐怖身毛豎

等活若黑繩

衆合二叫呼

無擇大地獄

燒熱及大熱

土海及糞池

鋒利劍葉林

刀道劍枝樹

灰河鐵鑊獄

造諸惡業者

生此泥犁中

今當說彼業

苦報差別相

等活死復生

經歷億千劫

今聞結怨憎

手相傷害故

陷人以非道

兩舌離親友

讒謗及妄語

死墮黑繩獄

屠捕及餘殺

死入眾合獄

諸山所磨切

身碎血髓流

為政無慈惻

後法多因緣

廣設諸方便

種種加楚毒

亦入眾合獄

隨業受苦報

輪轉崩山芒

鐵石所磨擣

隨貪恚癡怖

聽訟違枉直

亦入眾合獄

鐵輪斷其身

自恃強力勢

嶮暴陵孤弱

亦生眾合獄

黑象竟來踐

逼迫多人眾

令彼大號泣

死墮叫呼獄

舉身常洞燃
斗秤欺誑人
心惡而口善

言行無誠實
入大叫呼獄
呼哉大呼獄

見者身毛豎
於中受劇苦
寄付不還故

非法言是法
見法言非法
邪見無因果

侮傲謗賢聖
如是諸人等
死入無擇獄

父母賢善人
沙門婆羅門
犯忤令憂惱

死入熱地獄
父母賢善人
沙門婆羅門

惡心加苦痛
死入大熱獄
出家清淨行

虧犯律儀戒
展轉相形毀
死入熱土海

越禁捨正命
邪諂營穢生
死入熱糞池

毒垂貫骨髓
畋獵焚林澤
燒害陸衆生

死入火劍獄
燒剝斷支節
誘取諸衆生

詐親害其命

烏鷄群餓狗

覓來食其肉

長壞正法橋

導人非法行

死經利刀道

截足斷肌骨

長身百足虫

貌像端正女

纏身啞髓腦

由彼邪姪故

於他婦女身

摩觸深染著

駢上劍枝樹

往還貫身體

種種設方便

殺諸水虫類

死入沸灰河

舉身悉糜爛

吞食熱鐵丸

融銅灌其口

鐵釘釘其身

盜竊他財故

增上十不善

神逝入地獄

盜罪墮畜生

餘則入餓鬼

恚憎不善行

心常樂惡法

見他苦隨喜

死作閻羅卒

已說諸業行

重者入地獄

今當說畜生

餓鬼業果報

身三口四過

及意三不善

此業若非增

死墮畜生趣

多欲生鵝鴿

孔雀鴛鴦鳥

愚癡業所生

蛆蟻飛蛾等

無智好打縛

報生象馬中

或復作牛羊

麋鹿諸野獸

瞋恨作蜣蛇

蜂蠍毒蟲類

憍慢自矜高

惡心密懷害

報生合羅婆

八脚獸

及作虎師子

虛傲踈險報

猪狗驢狐狼

慳怯不惠施

嫉忌多憎惡

輕躁心不任

死墮猿猴中

強顏少羞耻

無節多言說

隨業獲果報

後受烏鳥身

邪貪無厭足

兩舌離親友

後受猫狸身

或作熊羆等

修行大布施

急性多瞋怒

不依正憶念

後作大力龍

能修大布施

高心陵蔑人

由斯業行生

大力金翅鳥

劫盜賢善人

飲食諸餽饈

墮富單那鬼

食糞及死屍

欺怖愚厄劣

疾病諸貧乞

後作富提鬼

常食諸胎網

顰蹙鄙陋行

慳惜多貪求

死作賤餓鬼

形體甚黑瘦

慳貪不布施

或施還自毀

死墮食吐鬼

唯膳膿涕唾

自不修福慧

毀他行布施

慳惜甘麁澀

樂習鄙穢行

居伏竄下流

恒食諸不淨

常希他人物

有財不食用

寧棄不行施

死墮瞋餓鬼

好發他陰私

害人取財物

餘罪墮餓鬼

常食人精氣

麁言觸惱人

好發他陰私

剛強難調伏

生炎口餓鬼

熾然他闔訟

積財常恐盡

無慈性剛強

後作食虫鬼

常噉諸蛾蟻

舉身皆火然

抑止他人施

有財不肯捨

生作巨身鬼

腹大咽如針

不施不自食

積聚為子孫

以此業緣故

復生輕餓鬼

子孫為修福

因是得信食

若為聚落主

逼取他財施

瓦作鳩槃荼

飲食常隨意

若多殺衆生

以肉為施惠

餘罪作羅刹

常得衆美食

微恚少憂感

常作修布施

香華自嚴身

好作諸伎樂

後作軋闍婆

為天執樂神

為利而行施

多瞋好兩舌

後作毗舍闍

其身甚醜陋

蓬髮而赤眼

利爪長牙齒。逼他取財物。而以廣行施。

性樂心輕躁。生為負他鬼。多瞋性難滿。

好樂修布施。嗜酒喜歌舞。後生作地神。

輿乘獻父母。給施親善人。稟性多慳慳。

生作遊空神。宅舍乘飲食。以此修惠施。

生作虛空神。常與宮殿俱。我已略分別。

畜生餓鬼趣。今當次第說。善道人天果。

修種種淨行。後生善趣中。隨業受果報。

今當如實說。天人阿脩羅。欲求長壽者。

不害生為本。慧者應當知。慈愍不害生。

樂修諸功德。堅固不傾動。所生離諸難。

於諸群生類。不捶打繫縛。由斯不惱業。

所生常無病。未曾修布施。亦不盜他財。
所生常短乏。多求而少獲。能廣行布施。
而復奪他物。所生常得財。隨得尋復失。
常不盜他物。時復行少施。方便獲財利。
所得恆不失。常不盜他物。兼復廣行施。
所生輒大富。得財常不失。決定修齋戒。
所生遇正法。衆見悉愛樂。名聞普流布。
身心常安樂。易滿知止足。夷泰無憂惱。
質直修正行。欲報所生恩。信心修福業。
隨其所生處。常得父餘財。若以飲食施。
長壽好色力。辯慧多財寶。無病心安樂。
施衣得慚愧。神儀高勝尊。人相悉具足。

觀者莫不欣
其身常安隱
心適恒喜歡
施屋得舍宅
宮殿極嚴麗
寶藏悉盈滿
衆具隨所欲
若施井浴池
及與淨水漿
生生無渴乏
所欲常隨意
橋船濟未度
履屣施徒跣
常得象馬車
是則人中天
若以園林施
常獲勝妙果
一切所依蔭
心安無熱惱
衆人所愛樂
眷屬悉具足
若人施醫藥
後生得無病
長壽常安樂
具足色力財
無量百千世
不經疫病劫
終遇法醫王
永拔生死根
造厠除衆穢
後無便利患
身心常清淨
見者莫不歡
緣是離諸垢
究竟獲大安
若爲生天施

或復求名聞

酬恩及望報

恐怖故行施

獲果不清淨

所愛多麤澀

祖先建立施

子孫續不絕

所生蒙遺慶

無量餘財寶

常歎施功德

有財而不捨

所生恒貧匱

欲施無財物

常歎布施德

愍念常周恤

所生得大富

不樂修福業

常樂修智慧

而不行布施

所生常聰哲

貧窶無財產

唯樂行布施

而不修智慧

所生得大財

愚闇無智見

施慧二俱修

所生具財智

二俱不修者

長夜處貧闇

布施無正信

後得饒財物

所受悉麤澀

其心常樂著

深信行施惠

生得上財寶

所受皆莊嚴

其心常愛樂

善知良福田

恭敬歡喜施

所生眷屬和

俱受安樂報

心常輕布施

慢意供福田

後生多財物

雖得不能用

瓦器無異聞

眾所不敬慕

心不輕布施

恭敬修福慧

生得殊勝財

親族悉宗敬

隨所應惠施

其心常歡喜

生得如意財

以道而受用

乘理獲財物

智慧修布施

財寶自然至

所得皆不失

時施無留難

明解修福慧

少求多所獲

常得應時物

若人修淨行

遠離他所愛

生得賢良妻

容德悉具足

慧者常遠離

非處非時行

心安身無過

具足丈夫法

清淨修梵行

賢聖所稱讚

受身常鮮潔

令聞遠流布

衆人所瞻仰

諸天咸供養

若人於此世

遠酒離迷亂

強志不忘誤

義辯得無異

若人不妄語

至誠不虛欺

受身悉具足

不染惡名稱

若人不兩舌

方便善和諍

生爲人中尊

眷屬常不壞

若人不惡口

美言悅衆聽

恒聞清淨音

宣揚勝妙法

若人於此世

遠離無義言

誠實及應時

知量饒益說

後生言常正

聞者樂信行

若不貪他物

未曾起求想

所生心安樂

常得天勝財

若不起瞋恚

打縛惱逼心

常好修慈忍

後生昇梵天

若人於今世

深信具正見

有無真實說

習近善知識

後生天中上

慧光踰日月

如上所宣說

無量清淨業

隨行各受生

世間種種報

若欲求大利

名稱生天樂

無常求堅固

當勤修德本

作淨不淨業

莊嚴種種果

若生人道中

離受黑白報

童子及盛壯

中年衰老時

斯各隨本緣

迭受苦樂報

諸業作已增

是則次第受

雖作不增長

久乃獲果報

若人施不恒

中間致貧匱

若常修惠施

富樂無窮已

若人多瞋恚

後生恒醜陋

慈忍無忿怒

受身常端正

若人不修慧

所生常癡闇

好智習多聞

明哲遇賢聖

若能伏憍慢

轉身生勝族

愚惑自矜高

常生卑賤中

諂諛致身曲

訛言形矬陋

見聖心不喜

所生常愚蠢

瘖瘂不能言

目盲無所見

尊長師善友

慈心安慰說

默捨不聽受

所生常聾聵

洗浴諸有德

供養妙香華

斯人所受生

身相悉端嚴

肌體極柔軟

淨如鍊真金

汚所不應汚

邪行犯非處

害形毀衆生

由斯受閻身

若人於今世

愛欲心熾然

身口及諸根

盡習婦人法

後常受女身

多欲不聰慧

若人施燈燭

演說清淨道

迷者示正路

等愛視衆生

後得清淨眼

明徹無障礙。常愛視衆生。哀愍諸貧病。

所生多子孫。如月在衆星。慈母乳嬰兒。

奉齋修淨行。懷妊他所愛。一切悉不犯。

由斯淨業故。生得多姝女。圍遶自娛樂。

猶如天帝釋。虔敬禮父母。恭肅諸所尊。

後生常高貴。身體極柔輒。若人於今世。

堅固持律行。後得不動財。猶如雪山王。

若人於今世。常不越儀法。若彼求不求。

等施令滿足。往生得妙相。師子方頰車。

具足無盡財。如海珍寶渚。身口意清淨。

兼復行布施。於他無嫉心。已財不守護。

由斯業行報。後生鬱單越。若人慕名聞。

及求生天樂

依憑善師學

身口意清淨

所有諸財物

愛樂加守護

由斯業緣故

後生四王家

若人於今世

志強不隨人

所行多幻偽

亦修諸善法

樂觀他闍訟

兼行好布施

由斯業緣故

後作阿脩羅

孝順淨供養

父母諸尊長

忍辱少瞋恨

不樂觀闍訟

由斯業緣故

後生忉利天

若人自不闍

亦不觀他諍

精勤修善法

得作夜摩天

於身善觀察

好學集多聞

專精思惟義

樂修淨功德

由斯業緣故

後生兜率天

修習勝布施

樂誦諸經典

方便行善法

自力不由他

慇懃精進故

後生化樂天

修行勝布施

善攝護諸根

精勤不退轉

欣樂他功德

由斯業緣故

後生他化天

捨離熾然欲

修習四梵行

離生欣樂俱

轉身生梵宮

又離覺觀心

亦度離生喜

定生喜樂俱

上生光音天

離定生喜樂

一向與樂俱

捨念三摩提

生被徧淨天

悉已度苦樂

不苦不樂俱

捨及清淨念

得生廣果天

覺知離想過

及厭五種有

深愛著無想

生彼無想天

世俗及無漏

修習諸熏禪

熏禪正受力

生五淨居天

修習軟中品

無煩無熱天

修習上三品

次生三淨天

如是次第上

乃至色究竟 依色無常想 起修無量空

次觀無量識 捨至無所有 久離無所有

乃至非非想 我已說生死 有有果報等

於彼業果報 慧者當觀察 應修清淨業

離苦疾受樂 已說諸生死 種種業差別

非自在天生 亦非自然有 非時非無因

唯從煩惱起 觀彼有無常 慧者不深著

出離諸縛繫 永到安隱處

大勇菩薩分別業報略經

業報經音

盡

讒上土咸及誇下音洞下音燃下音犯下音忤下音烏下尺鷄下尺爛上明及

炭反熟填 咀上子魚反 蟻下宜倚反 蜂上方逢反 蠍下音歇 貧下力 窶矩反 龍下五怪反 聾下音聾

使不可 閹身上於鹽反又於檢反宮人

請賓頭盧經無音

賓頭盧為王說法經

突徒骨反 隸力悌反 滌滴也 寧女耕反 癰上音雍 瘡瘡久也 潰亦作殞 糠胡對反 糠具

反 啞上音匣 螫下音釋



